



## Aningaasanut Nunanullu Allanut Naalakkersuisoq

### **Aningaasaqarnermut Ataatsimiititaliap suliaq nr. 01.31.06/09-00403 pillugu tallimanngornermi ulloq 20. februar 2009-mi aalajangiinera pillugu Naalakkersuisunut ilisimatitsineq.**

(Naalakkersuisut ulloq 12. februar 2009-mi ataatsimiinneranni imm. 2k)

### **Mittarfiit aktiaatileqatigiiffimmut akileeqaataassutitut ilanngunneqarsinnaalernissannut oqaasertaliussaq**

Naalakkersuisut **inassutigaa**,

- kontomut pingaarnermut 87.73.20-mut, Mittarfiit aaqqissuussaananerannik annertusaanermut tunngasumut, oqaasertaliussaq aamma oqaasertaliussamut nassuiaat matuma siuliani taaneqartut akuerineqassasut.

### **Aningaasaqarnermut Ataatsimiititaliap oqaaseqaatai**

Oqaasertaliussap uuma Aningaasaqarnermut Ataatsimiititaliamit akuerineqarnissaa Naalakkersuisut qinnutigaat:

**“Kontomut pingaarnermut 87.73.20 Mittarfiit aaqqissuussaananerannik annertusaaneq** Aningaasaqarnermut Ataatsimiititaliap akuersissuteqarneratigut Kalaallit Nunaanni timmisartoqarfiit aktiaatileqatigiiffinnut, Namminersornerullutik Oqartussanit pilersinneqartunut, najukkami kommunimut timmisartoqarfiup inissisimaffigisaanut aamma aningaasaliissumut namminersortumut ataatsimut amerlanerusunulluunniit aktiaatitut akileeqaataassutigineqarnissaannut Naalakkersuisut piginnaatinnearput. Aktiaatileqatigiiffiit taakku najukkami timmisartoqarfinnik ingerlatsinissamik siunertaqassapput. Ingerlatseqatigiiffiit pisortanit nakkutigi-saassapput. Timmisartoqarfiit atorneqarnerinut aamma timmisartoqarfiit atortuinik atuinnermut akinut maleruagassani Akinut Akiliisarnermullu Malittarisassat, Namminersornerullutik Oqartussanit akuerineqartut malinneqassapput”.

Oqaasertaliussamut nassuiaatit:

### **“Kontomut pingaarnermut 87.73.20 Mittarfiit aaqqissuussaananerannik annertusaaneq**

Oqaasertaliussami Kalaallit Nunaanni timmisartoqarfinni pioreersuni pigisat nalillit aktiaatileqatigiiffinnut, timmisartoqarfinnik alliliinissamut aningaasaliissutissanik pisariaqartinneqartunik pissarsiniarnissamik siunertaqartunut aningaasaliissutigineqarsinnaanissaat periarfissinneqarpoq. Ilusiliinerit taamaattut ilaatigut Ilulissani Nuummilu timmisartoqarfinnik alliliinissamut naleqqutissasut naatsorsutigineqarsinnaavoq. Timmisartoqarfiit pillugit Inatsisartut inatsisaanni nr. 12-imi, 5. december 2008-meersumi timmisartoqarfiit pioreersut akileeqaataassutitut atorneqarsinnaassappata, sanaartukkani aningaasaqarnermut immikkut piumasaqaatit takuneqarsinnaapput. Suliat taaneqartut akileeqaataassutitut atorneqarsinnaassappata, inatsimmi pineqartumi piumasaqaatit tamarmik naammassineqarsimanissaat piumasarineqarpoq.”

Inatsisartut Attaveqarnermut Ineqarnermullu Ataatsimiititaliaata UKA 08/129-imut, timmisar-toqarfinnik sanaartornermut tunngasumut isumaliutissiisummini kissaatigisaanut oqaasertaliussaq naapertuuttut Aningaasaqarnermut Ataatsimiititaliamit nalilerneqarpoq.

**Aningaasaqarnermut Ataatsimiititaliap aalajangiinera**

Suliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliap **akuersissutigai.**

Inussiarnersumik inuulluaqqusillunga

Augusta Salling  
Aningaasaqarnermut Ataatsimiititaliap siulittaasua

**Nuutinneri:**

- Inatsisartut Attaveqarnermut Ineqarnermullu Ataatsimiititaliaat.